

A bonamanu

Asirciziu di ricerca

Ogettivi pedagogichi

Capacità messe in ballu : risolve un prublema mittendu lu in equazione.

Cumpetenze messe in ballu : mudillizà ; calculà .



Enunciatu

L'istatina passata, Ghjuvan Santu hè andatu à aiutà u ziu chì tene una pagliotta nant'à u rinaghju di Favone. Hà travagliatu da u luni à u vennari.

Ghjuvan Santu s'hè vintu in media 33,40 € di bonamanu à ghjornu. U marti, s'hè vintu 10 € di più cà u luni. Marcuri, s'hè vintu u doppiu di luni. U ghjovi, s'hè vintu 5 € di menu cà u luni è u vennari, hà guadantu quant'è u luni.

Quantu si sarà vintu u luni (in eurò) ?

Lessicu

A bonamanu : *le pourboire* (dinò a mancia).

Rinaghju : *plage*.

In media : *en moyenne*.

Guadantu : *participiu passatu di guadagnà (gagner)*.